



Item vermag zu Buchen  
Ein groß wunderzeichen das do

geschehen ist durch das Creutz/das ain Car  
dinal hat außgeben inn dem ganzen  
Hungerischen Land wider  
die Turcken.

2  
3



Item Cartholomens kinder Judenschaft  
wird der heyligen gehört zu in sein  
land 1574



### Zufzug aufs ainem brieff

von Ofen der an dem 25. tag des  
Monats May in Wien ge-  
antwortt ist/ vnd am 4.  
tag Junij gen Aug-  
spurg

**E**tem die das Creutz haben angenommen der seind vast vil worden/ vnd meer dan yemandt vermaint/ Aicht man genzlich das ir seyen bey fünffzigtausend in ganzem vng-gerland/ seind doch nit all bey ainander/ Der Cardinal vñ Bischoff von Gran hond vor zweyen tagē das Creutz wider rüffen lassen. Welcher es nit von ym wolt legen/ vñ wer dan mit ym esse oder trinck/ sollen all in dem schweren Damm sein/ hat ym etlich mal gebotten. vnd in ir hōr gesand/ das ain Theil von Pest gelegen fünfftausent starck in maynung sy vom Creutz zū bingen/ etlich bewegt/ das sie wider haim haben wollen ziehen. Haben ym selbs zwey fenlach gesteckt/ vnd an yeglichs ain Crucifix gemacht/ vñ lassen außruffen. Wellicher bey ynen beleiben vñ mit dem Creutz ziehen wollt/ der sol zū dem ainem fanen treten/ Welcher dann wider haim ziehen wollt/ der sol zū dem andern fanen treten/ Also seind dero die wider haim haben wollen ziehen vil meer dan der andern gewest/ Do sie also bey dem fanen seind gestanden Ist das Crucifix von dem fanen her ab gefallen auff das angesicht/ habe sie das widerumb hin auff gemacht an die stangen starck gebunden/ Also ist es zum andern vnd dreyten mal allweg auff das angesicht her ab gefallen/ Also das die/ die wider haim haben wollen ziehen/ wider wendig worden seind/ vnd wollen all bey ainander sterben oder genesen/ vnd begerten nit

anderst dan man sol ynen vergünden dahin zu ziehen wie  
 man dann das Creütz hat außgeben/ Am freytag vergan-  
 gen haben sie zu Dorzen ainen Edel man begriffen von  
 fundan an ainen spieß gesiecht/ Am samstag ist d kuppy  
 genant ain kauffman vñ Petta mitsampf seinen bisdern  
 vñnd Edel fünff Meyl wegs von Ofen gewest spaziren.  
 Also in der früe seind die Creützer kömen für des edelmās  
 sitz/ den von fundan angezündt vñd verbrent/ haben sich  
 die Edel lewt gewert herauß mitsamt dem kuppy den sie  
 auch für ain Edelman gehabt So lanng bis sy das feuer  
 auß dem hauß getriben hatt/ Also hat man die Edel lewt  
 mit dem kuppy selb zwen vñd zwainzigst erschlahen/ vñ  
 den Edelman des der sitz gewesen ist zu klainē stücken zer-  
 haben Ist gruntlich geschēhen am Montag vergangen  
 zwü Meyl von wardein. Nun haben sich bey tausent Edel  
 mannen mitsamt iren knechten/ auff gemacht wider die  
 Creützer der selben gegent zu ziehen/ Also haben die Creüt-  
 zer ir ob fünff hundert zu tod erschlahen/ vñd der Creützer  
 seind nit ob fünffzig vmbkömen. Ich kan eüch nit gnüg  
 wunderberlich dar von schreiben/ wie sie also seltsam mit  
 dem Adel umb gand/ ist der mertail her gen Ofen geflogē  
 Der künig hat all seinem hofgesynd auffgebotten vor et-  
 lichen tagen bey tausent starck/ wider sie zu ziehen/ vñd ist  
 der Parkamesair hauptman gewest/ vñ sind bis gen Paff  
 kömen/ vñd seind widerumb haim gezogen gen Ofen/ so  
 entbietten yn die Creützer das sie sollen kömen/ sy wöllentz  
 mit ynen annemen/ Also das die leüß schwarzlich stand/  
 Ist dem künig vñd den herren angst vñd wee/ wie sy das  
 Creütz wider abthun wöllent/ ist zubeforgen/ es müßentz  
 nur frembd Nation thun/ die man sy zuuertreibē beruffen  
 müß. **E**s kömen nu die Edelleit/ vñd klagen den Car-

dinal heffüg an vor dem künig/ vermaynnen er sey söld er  
 ding ain ursach/ Dann vñd er das Creütz also außgeben  
 hab/ verantwurt sich der Cardinal/ Sagt wie er söld es  
 auß geschafft Kayserlicher Maiesiat/ vñd d gangen landt  
 schafft zu Ungern gethan hab/ darumb er ynen brieff vñd  
 Sigel weisen wölle/ Ist zubeforgen/ als bald die handlung  
 mit den Creützern gestilt würd/ das der gemain Adel werd  
 wider die paffen ziehen. Die gemelte Creützer thund kat-  
 nem armen man kein laid/ nieman nichts mit gewalt/ vñ  
 was man ynen zufürt/ desselben ain güte notturfft bezale  
 sy also par/ Der künig hat die sach ye größlich übersehen/  
 das sie ynen selbs/ als ain Rütten auffgepunden/ Nach  
 dem das sie mit dem Turcken drew iar frid gemacht ha-  
 ben/ das volck mit hin ab zu ziehen lassen Ich halte es für  
 ain straff von got auff die lewt.

**N**och der Creützer halb hat sich auff Datum früe In  
 zwayen ungerischen klöstern hie verlauffen/ das sie auß  
 beuelch des Cardinals das Creütz wider ruffen vñd ver-  
 kündt haben/ die wider/ die/ so das creütz an ynen haben/  
 vñd daruon nit stellen wöllent/ ziehen vñd verhelffen/ die  
 zu tod slagen Söllen die gnad vñd applas haben/ Als die  
 den am ersten die gnad geben ist/ die das creütz an sich ge-  
 nomen habē mit getailt worden/ Also ist der gemain man  
 in baide klöster gangē hie zu Ofen/ zu sant Johans bar-  
 füßern/ vñd zu Sant Niclaus prediger ordens aufgestan-  
 den vñ zu den Mönchen gesagt/ Wielang rüsten sich nun  
 die herren vñnd Edelleit nun bey zwainzig iaren Es ist  
 alles Büberey/ Es sol kainer wider sy ziehen/ die das crüz  
 an yn haben. Wann wir ainen erseren der des willens ist  
 den wöllent wir selbs erslagen. Vñd ir Mönch vñd paf-  
 fen/ alles das ir sagt ist mit vnwarhait/ wir wöllent für/

an ewt predigen vnd singen weiter klainen glauben habt  
 zu eüch nit mer inn die kirchen kommen/ haben etlich ire  
 secklein gezuelt zu den Mönchen gewouffen/ also das baid  
 Mönch von der Canzel entrüen seind/ Sy weren sunst  
 gehailiget worden von den Pawren.

**D**er künig von Vngern/ Desgleichen die Stat Ofen  
 lassen sold außrüffen/ aber nyemandts will wider sy zieht  
 Ist meniglich außgenommen Adel/ mit den Creüzern  
**I**tem ain trefflicher Edelman in dem Landt Daci  
 Michel genant Ist die tag zu den Creüzern gefallen/ ha  
 ben yn zu ainem obersten hauptman angenommen All ge  
 schworen/ bey ym zu bleyben/ Sol ynen der gemelt Edel  
 man vil geschütz geschenct vnnnd veroidnet haben/ Das  
 Kriegs volck vnd der Edelman rüffen sich/ auff die stund  
 in maynung mit ynen zu slagen/ will meinstails glauben  
 das sy nit dürffen angreiffen als vormal auch gescheen  
 Dan ir zu wenig ist Got waist wie das emd sol werden.

